



Suldal kommune
Eidsvegen 7
4230 SAND

Att. v/kommunalsjef for oppvekst
Ingebjørg Rullestad Gjerde

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Varsel om tilsyn med Suldal kommune

- Sand skule sitt arbeid med elevane sitt utbytte av opplæringa og skulebasert vurdering

Etter § 14-1 første ledd i opplæringslova har Fylkesmannen heimel til å føre tilsyn med at kommunane og fylkeskommunen oppfyller dei pliktene dei er pålagde i eller i medhald av opplæringslova. Fylkesmannen har rett til innsyn i dokument og tilgang til lokale og anlegg når det er naudsynt for å ivareta Fylkesmannen sine oppgåver, jf. kommunelova § 60c.

Dette er et varsel om at vi vil gjennomføre tilsyn på følgjande område:

- skulen sitt arbeid med elevane sitt utbytte av opplæringa
- arbeidet med skulebasert vurdering

I tillegg kan skoleeigars forsvarlege system bli inkludert, sjå gjennomføring av tilsynet.

Utdanningsdirektoratet har utarbeidd rettleiingsmateriell for tilsynet, som er eit av fleire felles nasjonale tilsynsystema. Rettleiingsmaterialet inneheld meir informasjon om dei ulike tilsynsområda, og er tilgjengeleg på www.udir.no.

Varsalet om tilsyn gjeld:

1. Tilsyn med korleis Sand skule arbeider med elevane sitt utbytte av opplæringa, jf. opplæringslova kap.1, 2 og 5 og forskrift til opplæringslova kap. 1 og 3. Undertema i tilsynet vil vere skulen sitt arbeid med:
 - opplæring i fag, jf. opplæringslova §§ 2-3, 5-1 og 5-5 og forskrift til opplæringslova §§ 1-1, 3-1 og 3-2
 - undervegsvurdering for å auke eleven sitt læringsutbytte, jf. opplæringslova § 5-5 og forskrift til opplæringslova §§ 3-1, 3-2, 3-11, 3-12 og 3-13
 - undervegsvurdering som grunnlag for tilpassa opplæring og særskilt tilrettelegging, jf. opplæringslova §§ 1-3, 5-1, 5-4 og 5-5 og forskrift til opplæringslova § 3-11
 - vurdering av behov for særskilt språkopplæring
2. Tilsyn med skulebasert vurdering, jf. forskrift til opplæringslova § 2-1 – undersøking av skulen si jamlege vurdering av eiga verksemd og måloppnåing. Med vurdering av eiga verksemd meiner vi at skulen skal vurdere organiseringa, tilrettelegginga og gjennomføringa av opplæringa.

Gjennom å kontrollere om skuleeigar og skulane overheld dei rettslege krava, skal eventuell lovstridig praksis avdekkast og rettast opp.

Føremålet med tilsynet

Hovudtema for tilsynet er retta inn mot skulen sitt kjerneområde: Å arbeide med elevane sitt utbytte av opplæringa. Det overordna målet med tilsynet er å medverke til at alle elevar får eit godt utbytte av opplæringa og når ønska kompetanse. Elevvurdering, skulebasert vurdering og nasjonal vurdering skal sjåast i samanheng. De ulike formene for vurdering skal samla sett utfylle kvarandre og medverke til at den einskilde eleven blir motivert til å ta i bruk evnene og anlegga sine, og at dei nasjonale måla for opplæringa styrer arbeidet i skulen. Å bidra til at elevane på denne måten får eit godt utbytte av opplæringa, er det overordna føremålet med tilsynet.

Det er kommunen som har det overordna ansvaret for at krava i opplæringslova blir etterlevde, jf. opplæringslova § 13-10 første ledd. Tilsynet skal bidra til at kommunen som skuleeigar syt for at:

- elevane får kjennskap til og opplæring i kompetansemåla som sentrale styresmakter har fastsett
- elevane får tilbakemeldingar og blir involverte i eige læringsarbeid for å auke utbyttet av opplæringa
- elevane sitt utbytte av opplæringa blir vurdert kontinuerleg
- elevane blir følgde opp og får naudsynt tilrettelegging når utbyttet av opplæringa ikkje er tilfredsstillande

Det er kommunen som har det overordna ansvaret for at krava i opplæringslova blir følgde, jf. opplæringslova § 13-10 første ledd. Skoleeigaren skal ha eit forsvarleg system for å vurdere og følgje opp om skolane har ein lovleg praksis, jf. opplæringslova § 13-10 andre ledd.

Rettleiing før tilsynet

Eit heilt sentralt mål med tilsynet er at det skal bidra til læring for kommunen og skulen. Som eit ledd i å nå dette målet vil Fylkesmannen ha ei læringsøkt på Sand skule **26. april kl. 1500-1830**. Her ser vi i fellesskap på lovkrava, har dialog om eksisterande praksis på skulen, og refleksjon om moglege utviklingstema. For at dette i størst mogleg grad skal fungere som rettleiing må deltakarane, personalet på skulen, leiinga og kommunen, førebu seg. Kommunen og rektor avgjer korleis det er hensiktsmessig at personalet organiserer seg; på trinn, i team eller faggrupper, som svarer på spørsmål om skulen sin og eigen praksis om opplæring og vurdering. Spørsmåla finn de i det elektroniske systemet Reflex, <https://www.udir.no/regelverk-og-tilsyn/tilsyn/egenvurdering/reflex/>. Som førebuing skal de ikkje sende inn svara, men drøfte, reflektere og vurdere eigne planar, system og dokument, som vi tar opp i fellesskap under rettleiinga. De må velje *skulen sitt arbeid med elevane sitt utbytte av opplæringa og skulebasert vurdering* som tema i Reflex.

Sjølve tilsynet blir utført ved gjennomgang av innsendt dokumentasjon og ved intervju i haust.

Dersom Fylkesmannen finn lovbrøt, vil Sand kommune få førehandsvarsel om vedtak, jf. forvaltningslova § 16, og få høve til å uttale seg i saka. Kommunen vil så få ein rimeleg frist til å rette lovbrøt før Fylkesmannen vedtar eit eventuelt pålegg om retting. Tilsynet blir opna gjennom dette brevet, og vi viser elles til kontakt med kommunalsjef Ingebjørg Rullestad Gjerde.

Plan for gjennomføring ser førebels slik ut:

- 26.04.2018: Rettleiingsmøte for leiing og lærarar ved Sand skule, leiing og eventuelt andre lærarar ved andre skular i Suldal kommune, og ansvarlege frå skuleadministrasjonen, og eventuelle representantar frå nabokommunar.
- 22.06.2018: Frist for gjennomføring av eigenvurdering i Reflex og innsending av dokumentasjon. NB! Dokumentasjon som er unntatt offentlegheit, må sendast pr. post

Veke 37 eller 39 (to dagar): Kort opningsmøte, deretter intervju av tilsette og elevar ved Sand skule.

Veke 43 eller 45 (ein ettermiddag): Sluttmøte for leiing og alle lærarar ved Sand skule, leiing og eventuelt andre lærarar ved andre skular i Suldal kommune, og ansvarlege frå skuleadministrasjonen. Tilsvarande som ved rettleiingsmøtet.

Tid: Blir avtalt seinare

Gjennomføring av intervju skjer på skulen. Intervjuplan blir sett opp i samarbeid med rektor ved skulen.

Fylkesmannen gjer merksam på at både førebels og endeleg tilsynsrapport er offentlege, jf. offentleglova § 3. Den endelege tilsynsrapporten vil bli publisert på Fylkesmannen si nettside.

Gjennomføring av tilsynet og innsending av dokumentasjon

Fylkesmannen ber Suldal kommune om å gjennomføre eigenvurdering i Reflex (<http://reflex.udir.no>). Rektor skal fylle ut eigenvurdering for dei to nemnde tilsynsystema, det skal også lærarane slik det blir avtalt mellom Fylkesmannen og skulen. Rektor og dei aktuelle lærarane skal laste opp dokumentasjon (som ikkje er unntatt offentlegheit) som det blir vist til i eigenvurderingane. Skulen skal etter nærare avtale sende inn sakkunnige vurderingar, enkeltvedtak, IOP og halvårs-/årsrapport for elevar som har vedtak om spesialundervisning i dei faga/klassane som blir valde ut, og nokre vedtak om særskilt språkopplæring. Praktiske detaljar kring dette blir gjennomgått på rettleiingsmøtet.

Fylkesmannen ber om at det blir gitt tilgang til It's learning eller anna aktuell læringsplattform.

Særleg om utfylling av skuleeigar si eigenvurdering

- Skuleeigar skal i første omgang ikkje fylle ut eigenvurderingsskjema. Dette vil bli aktuelt dersom Fylkesmannen utvidar tilsynet til å omfatte om skuleeigar har eit forsvarleg system.

Plikta til å sende inn dokumentasjon følgjer av opplæringslova § 14-1 første ledd, jf. kommunelova § 60c. Dokumentasjonen som blir send inn, kan berre bli unntatt offentlegheit i den grad det er heimla i offentleglova.

Fylkesmannen sitt tilsynslag består av Monica Mannes, Anne Marie Melberg Skaar og Una Bjørnseth Haugen (tilsynsleiar). Spørsmål om tilsynet kan rettast til Una Bjørnseth Haugen, fmroubh@fylkesmannen.no eller tlf. 51568724.

Med helsing

Hallgeir Bø
assisterande utdanningsdirektør

Una Bjørnseth Haugen
tilsynsleiar

Dokumentet er elektronisk godkjent og har derfor ikkje underskrift.

Saksbehandlar: Una Bjørnseth Haugen
Saksbehandlar telefon: 51 56 87 24
E-post: fmroubh@fylkesmannen.no